

# СКАЙМЕДИА КОРПОРАЦИ” ХХК-ИЙН ОЛОН СУВАГ ДАМЖУУЛАХ ҮЙЛЧИЛГЭЭНИЙ СҮЛЖЭЭНД ХОЛБОГДОХ НӨХЦӨЛ /RAO/

Энэхүү баримт бичгээр Телевизийн үйлчилгээ эрхлэгчтэй байгуулах Холболтын гэрээний нөхцөлийг тодорхойлсон ба Харилцаа холбооны зохицуулах хороо (цаашид “Зохицуулах хороо” гэх)-ны 2021 оны 33 тоот тогтоолын нэгдүгээр хавсралтаар батлагдсан “Сүлжээ хооронд харилцан холболт хийх гэрээний ерөнхий нөхцөл, орлого хуваарилах журам” (цаашид “Холболтын журам” гэх)-ын 2.5 дах хэсэгт заасныг баримтлан боловсруулсан болно.

**“СКАЙМЕДИА КОРПОРАЦИ” ХХК** нь олон суваг дамжуулах үйлчилгээг **13200003** тоот тусгай зөвшөөрөлтэйгээр Улаанбаатар хот, Дархан, Эрдэнэт, Дорноговь - Замын-Үүд, Сайншанд, Сэлэнгэ - Зүүнхараа, Сүхбаатар, Хөтөл, Сүхбаатар, Өмнөговь - Ханбогд аймаг, сумдад тус тус хүргэдэг.

## 1. Сүлжээнд холбогдох технологийн стандарт, горим, нөхцөл шаардлага

Телевизийн студиэс өгөх дохио нь дараах стандарт, үзүүлэлтийг хангана.


<b>ИНТЕРФЕЙС</b>	
Дүрсийн оролт (PAL)	[SD форматаар дамжуулах бол SMPTE 259M-C (SD-SDI), ITU-R BT601 стандартыг хангасан байх.]
	[HD форматаар дамжуулах бол SMPTE 292M (HD-SDI), ITU-R BT709 стандартыг хангасан байх.]
Дууны оролт	[Embedded audio (Дүрсний сигналд нь суулгасан аудио сигнал)]
<b>ДҮРСИЙН ҮЗҮҮЛЭЛТ</b>	
Дэлгэцийн харьцаа	[4:3, 16:9]
SD нягтрал /пикселийн тоо/	[SD-SDI 576@50i MPEG2 гэх мэт ]
HD нягтрал /пикселийн тоо/	[HD-SDI, 1080@50i, шахалтын стандарт нь MPEG/AVC (H.264) гэх мэт]
<b>ДУУНЫ ҮЗҮҮЛЭЛТ</b>	
Дууны түвшин	[Монгол Улсын “Тоон телевизийн студи. 2-р хэсэг: Тоног төхөөрөмжид тавих ерөнхий шаардлага” MNS 5592-2:2016 стандартад заасны дагуу дууны гаралтын түвшин -18dBFS, EBU R128, эгшин зуурын утга нь $\pm 1$ байна.]
Дууны кодлол	[Стерео болон MPEG layer 1, 2, 3 , AAC, AES гэх мэт ]

## 2. Зааглах цэгийн байршил, ашиглалт үйлчилгээ

2.1. Сүлжээнд холбогдох зааглах цэгийн боломжит байршлуудыг дараах хүснэгтэд харуулав.

Зааглах цэг байрлах хаяг (Боломжит зааглах цэгүүдийн байршил)	Тайлбар, нэмэлт мэдээлэл
<p>Байршил 1:</p>	<p>Телевиз нь Скаймедиагийн сүлжээний шилэн кабелийг ашиглах тохиолдолд зааглах цэг байрлах хаяг</p>

**Байршил 2:**



Телевиз нь сүлжээний шилэн кабелийг өөрсдөө холбох тохиолдолд зааглах цэг байрлах хаяг

2.2 Телевизийн үйлчилгээ эрхлэгч нь өөрийн студиэс зааглах цэг хүртэлх сүлжээг (сүлжээ түрээслэх, татах, ашиглалт үйлчилгээ зэрэг) хариуцна.

2.3. Телевизийн үйлчилгээ эрхлэгч нь зааглах цэгийг дээр зааснаас өөр цэгт тогтоох саналтай бол хүсэлтийг албан бичигтээ тодорхой дурдаж, техникийн нөхцөл байдлын талаарх мэдээллийг ирүүлнэ. Хэрвээ тус зааглах цэг нь Зохицуулах хорооноос баталсан Холболтын журмын Хавсралт 4-д зааснаас өөр газарт байрлах бол албан бичгийн хувийг Зохицуулах хороонд илгээж, шийдвэрлүүлнэ.


2.4 Тоног төхөөрөмжийн мэдээлэл:

	Телевиз талд	Дамжуулагч талд (ОСДҮЭ)
Холболтын байгууламжийн төрөл	Playout server	ENCODER
Дамжуулах /нягтруулах төх/ байгууламжийн төрөл	3G/HD/SD-SDI fiber TRANSMITTER	3G/HD/SD-SDI fiber RECEIVER
Холбох шугамын төрөл, тоо	1 core fiber optic cable	1 core fiber optic cable
Холболтын интерфэйс	3G/HD/SD-SDI	3G/HD/SD-SDI

2.5 Холболтын схем, зураглал


1.1 Үндэсний олон нийтийн телевиз, Өргөн нэвтрүүлгийн телевиз сувгуудын зааглах цэг Зураг.А зураглалын дагуу байна.

1.2 Кабелийн телевиз нь Скаймедиагийн сүлжээний шилэн кабелийг ашиглах тохиолдолд зааглах цэг Зураг.А зураглалын дагуу байна.



Зураг.А

1.3 Кабелийн телевиз нь сүлжээний шилэн кабелийг өөрсдөө холбох тохиолдолд зааглах цэг Зураг.Б зураглалын дагуу байна.



Зураг.Б

**3. Гэрээ хийх үйл ажиллагааны нарийвчилсэн мэдээлэл**

Албан тушаал	Ажилтны нэр	Холбогдох дугаар
Хэлтсийн менежер	Э.Энхмаа	90909070
Мэргэжилтэн	Б.Баяржавхлан	91111464

**4. Сүлжээнд холбогдох төлбөр тооцооны мэдээлэл**

Телевизийн суваг дамжуулах сарын хураамж нь дараах нөхцлийн дагуу байна.

Зааглах цэгийн байршил	Сарын хураамж
Зураг.А	.....₮
Зураг.Б	.....₮

**Телевизийн суваг дамжуулах сарын хураамжийн задаргаа**

Зааглах цэгийн байршлаас хамаарч дараах төлбөрийн задаргаатай байна.

Зардлын нэр	Зааглах цэгийн байршил	
	Зураг.А	Зураг.Б
Шилэн кабель эсвэл урсгал түрээсийн төлбөр	.....₮	.....₮

Тайлбар:

“Сүлжээ хооронд харилцан холболт хийх, сүлжээнд холбогдох гэрээний ерөнхий нөхцөл, орлого хуваарилах журам”-ын 2.9-д зааснаар дээрх бизнесийн аливаа алдагдлыг нөхөх зорилго агуулахгүй зарчмыг баримтлах ба тусгай зөвшөөрлийг үл харгалзан зааглах цэгийн байршлаас хамааруулан төлбөрийн хэмжээг тогтооно.

## 5. Гэрээний загвар

БАТЛАВ.

“СКАЙМЕДИА КОРПОРАЦИ” ХХК  
ГҮЙЦЭТГЭХ ЗАХИРАЛ

.....

Г.АМАРЧИНГҮН

БАТЛАВ.

..... ХХК-ИЙН ГҮЙЦЭТГЭХ  
ЗАХИРАЛ

.....

.....

### ОЛОН СУВАГ ДАМЖУУЛАГЧИЙН СҮЛЖЭЭНД ХОЛБОГДОХ,

### ХАРИЛЦАН ХОЛБОЛТЫН ГЭРЭЭ

202.. оны ....-р сарын ....-ны өдөр

№.....

Улаанбаатар хот

Энэхүү ”Олон суваг дамжуулагчийн сүлжээнд холбогдох, харилцан холболтын гэрээ” /цаашид “гэрээ” гэх/-г Дэлхийн Худалдааны Байгууллагаас гаргасан Зохицуулалтын зарчмууд (Regulatory Principles Reference Paper /RPRP/), Харилцаа холбооны тухай, Өргөн нэвтрүүлгийн тухай болон бусад холбогдох хуулиуд, Харилцаа Холбооны Зохицуулах Хорооны “Сүлжээ хооронд харилцан холболт хийх, гэрээний ерөнхий нөхцөл, орлого хуваарилах” журам болон холбогдох бусад журмуудыг тус тус үндэслэн,

Нэг талаас: Монгол Улсын Аж Ахуйн нэгжийн бүртгэлийн 9019020032 дугаарын гэрчилгээтэй, регистрийн 2619032 дугаартай “Скаймедиа Корпораци” ХХК /цаашид " Дамжуулагч" гэх/

Нөгөө талаас: Монгол Улсын Аж Ахуйн Нэгжийн бүртгэлийн ..... дугаарын гэрчилгээтэй, регистрийн ..... дугаартай “..... ” ХХК /цаашид "Телевиз” гэх, хамтад нь “Талууд” гэх/ нар харилцан тохиролцож байгуулав.

### НЭГ. НИЙТЛЭГ ҮНДЭСЛЭЛ

- 1.1. Энэхүү гэрээний зорилго нь Дамжуулагч нь өөрийн сүлжээ /IPTV, OTT/-нд энэ гэрээнд заасан нөхцөл шаардлагыг хангасан “.....” телевизийн үйлчилгээг холбох, телевизийн сувгийг хэрэглэгчид гэрээний үндсэн дээр дамжуулан хүргэх, Телевиз нь Дамжуулагчийн сүлжээнд холбогдох, харилцан холболтын нөхцөл, шаардлагыг хангах, гэрээнд заасан төлбөрийг төлөхтэй холбоотойталуудын хооронд үүсэх харилцааг зохицуулахад оршино.
- 1.2. Энэхүү гэрээ нь Талуудын төлөөлөл, төлөөлөн удирдах зөвлөл, гүйцэтгэх захирал, үүсгэн байгуулагчид, өмчлөгчид нь өөрчлөгдсөнөөс үл хамааран үйлчлэх хугацааны туршид хүчин төгөлдөр байна.
- 1.3. Мөн энэхүү гэрээний дагуу хамтран ажиллахдаа Телевиз нь нэвтрүүлэг, контент, мэдээлэл, сургалт, танин мэдэхүй, хөгжөөн цэнгээх хөтөлбөр, дуу, бичлэг, уран сайхны кино, хүүхэлдэйн кино, телевизийн бүтээлүүдийг нийтэд түгээх эрхийг Дамжуулагчид олгож байгаа болно.

- 1.4. Энэхүү гэрээ батлагдсанаар талуудын хооронд байгуулсан ..... оны ..... тоот гэрээний Телевизийн үлдэгдэл төлбөр төлөхөөс бусад үүрэг дуусгавар болж байгааг талууд харилцан тохиролцов.
- 1.5. Телевизийн суваг Дамжуулагчийн сувгийн ..... дугаарлалтад байршина.
- 1.6. Энэ гэрээгээр зохицуулаагүй бусад харилцааг Монгол Улсын хуульд зааснаар зохицуулна.
- 1.7. Талууд гэрээгээр хүлээсэн үүргээ шударгаар, бодитоор, зохих ёсоор гүйцэтгэх бөгөөд хамтран ажиллах, харилцан туслалцах зарчмыг мөрдлөг болгоно.

## **ХОЁР. ГЭРЭЭНИЙ ХУГАЦАА, ҮНЭ, ТӨЛБӨРИЙН НӨХЦӨЛ**

- 2.1. Энэхүү Гэрээг 202... оны ... дугаар сарын ...-ний өдрөөс 202... оны ... дугаар сарын ...-ны өдөр хүртэл 1 (нэг) жилийн хугацаатай байгуулав.
- 2.2. Гэрээний хугацаа дуусгавар болсон тохиолдолд цаашид сунгах эсэх талаар аль нэг тал нөгөө талдаа 30 хоногийн өмнө бичгээр мэдэгдэх бөгөөд мэдэгдэл хүлээн авсан нөгөө тал гэрээг цаашид сунгах эсэх талаар хариу өгч харилцан тохиролцож гэрээг сунгаж болно.
- 2.3. Гэрээний хугацаа дуусахаас 30 хоногийн өмнө талууд гэрээг цуцлах санал гаргаагүй тохиолдолд гэрээг дахин 1 (нэг) жилийн хугацаагаар, ижил нөхцөлөөр жил тутам сунгагдсанд тооцно.
- 2.4. Телевиз нь талуудын .... тоот Хамтран ажиллах гэрээний .....-ны байдлаарх үлдэгдэл төлбөр болох .....₮ /...../-ийг энэхүү гэрээний дагуу төлж барагдуулна.
- 2.5. Телевизийн нэвтрүүлгийг тоног төхөөрөмж рүү дамжуулах болон сигнал хүлээн авах тоног төхөөрөмжийн хөрөнгө оруулалт, анхны удаа холбох зардал, дамжуулалтын сарын хураамжыг Телевиз 100% өөрийн хөрөнгөөр шийдвэрлэнэ.
- 2.6. Талууд харилцан тохиролцож шилэн кабель эсвэл урсгал түрээсийн төлбөрийн хэмжээг хавсралт №5-д тусгайлан тогтооно.
- 2.7. Дамжуулагч нь дамжуулалтын сарын хураамжыг Телевизээс дараа сарын эхний өдөр нэхэмжилнэ. Нэхэмжилсэн сард дамжуулалтын сарын хураамжыг төлөөгүй бол дараа сарын эхний өдөр Телевизийн эфирийг Скаймедиа Ай Пи ТВ-ээс хаана.
- 2.8. Телевизийн эфирийг Скаймедиа Ай Пи ТВ-ээс хаасан өдрөөс эхлэн 60 хоног өнгөрөхөд төлбөрөө барагдуулаагүй бол шүүхээр шийдвэрлүүлнэ.
- 2.9. Төлбөрийг “Худалдаа хөгжлийн” банкны 499 008 863 тоот дансанд шилжүүлнэ.
- 2.10. Төлбөр нэхэмжилсэн хугацаа хэтэрсэн хоног тутамд гүйцэтгээгүй үүргийн үнийн дүнгийн 0,5%-тай тэнцэх хэмжээгээр алданги тооцно.
- 2.11. Телевиз нь нүүх буюу шинээр шилэн кабель татуулах тохиолдол бүрт шилэн кабель татуулахад гарах зардлыг тодорхойлж холбогдох нэг удаагийн ажлын хөлсийг Дамжуулагчид төлнө. Төлбөр нь нүүж байгаа байршлаас хамааран харилцан адилгүй байна.

### **ГУРАВ. ТЕЛЕВИЗИЙН ЭРХ, ҮҮРЭГ**

- 3.1. Телевиз нь дараах эрхийг эдэлнэ:
  - 3.1.1. Дамжуулагчийн үзүүлж буй үйлчилгээ болон хийгдэж буй ажлууд нь чанарын шаардлага хангахгүй гэж үзвэл санал гаргах, шаардлага тавих;
  - 3.1.2. Дамжуулагчид техникийн санал, зөвлөмж өгөх эрхтэй.
  - 3.1.3. Дамжуулагчийн буруугаас телевизийн нэвтрүүлэг тасалдах, доголдох тохиолдолд дахин нэвтрүүлэх, уг зөрчлийг арилгуулахаар шаардах;
  - 3.1.4. Гэрээний үүргээ биелүүлэхийг Дамжуулагч талаас шаардах;
  - 3.1.5. Гэрээнд нэмэлт өөрчлөлт оруулах санал гаргах,
  - 3.1.6. Дамжуулагч нь гэрээгээр хүлээсэн үүргээ ноцтой зөрчсөн тохиолдолд гэрээг нэг талын санаачилгаар цуцлах тухай санал гаргах;
  - 3.1.7. Хуульд заасан бусад эрх;
- 3.2. Телевиз нь дараах үүргийг хүлээнэ:

- 3.2.1. Телевиз нь дуу дүрс дамжуулах төхөөрөмж болох HD Дамжуулагч & Хүлээн авагч төхөөрөмж /Transceiver & Receiver/ болон бусад шаардлагатай тоног төхөөрөмжийн бэлэн байдлыг хангах;
- 3.2.2. Нэвтрүүлгийнхээ дуу дүрсний дохиог Дамжуулагчийн шаардсан техникийн нөхцөлд нийцүүлж, (Хавсралт 1)-ийг дагаж мөрдөх;
- 3.2.3. Телевиз нь өөрийн өмчийн тоног төхөөрөмжийн баталгааны хугацаа, засварын хуудсыг гэрээнд хавсаргах;
- 3.2.4. Өөрийн тоног төхөөрөмжийн ашиглалт үйлчилгээг бүрэн хариуцах бөгөөд найдвартай, аваар осолгүй, ашиглалтын технологийн горимын тасралтгүй ажиллагаа, цахилгаан, зай тэжээлийн эх үүсвэрээр ханган ажиллах, хэрэглэгчдэд очиж байгаа сигналын түвшин, чанарыг шалгах, анхаарал тавих;
- 3.2.5. Дамжуулагчаас өгсөн техникийн нөхцөл, шаардлагыг хангах техник тоног төхөөрөмжтэй байх, тэдгээрийн ашиглалт үйлчилгээ хэвийн найдвартай ажиллагааг гэрээний хугацаанд тогтвортой хангаж ажиллах;
- 3.2.6. Гэрээгээр хүлээсэн үүргээ бүрэн биелүүлэхэд шаардагдах бусад тусгай зөвшөөрөл, лицензийг зохих журмын дагуу цаг тухайд нь эрх бүхий байгууллагаас авч, хүчин төгөлдөр байдлыг нь гэрээний хугацаанд хэвээр хадгалах;
- 3.2.7. Гэрээнд заасан хугацаанд Дамжуулагч гэрээний үүргээ хэвийн биелүүлэхэд шаардагдах бичиг баримт, мэдээллээр бүрэн хангах;
- 3.2.8. Долоо хоног бүрийн Баасан гарагийн 15:00 цагаас өмнө дараа 7 хоногийн телевизийн хөтөлбөрийг (epg@skytel.mn) и-мэйлээр илгээх ба илгээгдсэнээс хойш тус телевизийн хөтөлбөрт ямар нэг өөрчлөлт, хоцрогдол гарах бүрт хавсралт 4-т заасан Дамжуулагчийн контентын редактортой холбоо барих и-мэйл хаяг, утасны дугаараар цаг алдалгүй мэдэгдэх;
- 3.2.9. Телевиз техникийн үзлэг шалгалт, шинэчлэл хийх зайлшгүй шаардлага болон бусад зорилгоор хүндэтгэн үзэх шалтгаанаар эфирээ таслах буюу зайлшгүй зогсолт хийх тохиолдолд энэ тухайгаа хэрэглэгчдэд болон Дамжуулагчид заавал бичгээр болон имэйлээр 72 (далан хоёр) цагийн өмнө урьдчилан мэдэгдэх;
- 3.2.10. Дамжуулагчийн албан ёсны эрхтэй аливаа контентыг зохих зөвшөөрөлгүйгээр өөрийн сувгаар гаргахгүй байх;
- 3.2.11. Телевизийн эфирийн дүрсний чанар HD суваг бол 1920×1080 (1080i), SD суваг бол 720×576 (576i) гэсэн стандартыг хангах;
- 3.2.12. SDI embeded гаралт бүхий тогтмол -18dBFS, EBU R128 дууны түвшинтэй байлгах;
- 3.2.13. Телевиз нь Дамжуулагчийн тоног төхөөрөмжөөр дамжин хэрэглэгчдэд очиж байгаа өөрийн контентын чанар, стандартад хяналт тавих, тэдгээртэй холбоотой аливаа хариуцлагыг бие даан хүлээх;
- 3.2.14. Холбогдох тоног төхөөрөмжүүдэд урьдчилан сэргийлэх үзлэг, үйлчилгээ хийх;
- 3.2.15. Төхөөрөмжийн цахилгаан тэжээлийг нөөц эх үүсгүүрт холбосон байх ба багадаа 4 цаг тэжээлээр хангадаг байх. 4 цагаас илүү цахилгааны саатал гарсан бол Дамжуулагчид мэдэгдэж хэрэглэгчдэд эфир тасрах болсон талаар мэдээллийг албан ёсоор өгөх;
- 3.2.16. Үйлчилгээнд нөлөөлөхүйц техникийн үзлэг үйлчилгээ хийхээр бол 72 цагийн өмнө мэдэгдэж, Гэмтэл гарсан эсвэл техникийн үзлэг хийгдэж байгаа үед хэрэглэгчдэд мэдээлэл бүхий дүрсийг дамжуулах;
- 3.2.17. Телевизийн өөрийн техникийн саатал, үзлэг үйлчилгээний улмаас Бүтээгдэхүүн нийлүүлэхэд тасалдал гарах тохиолдолд хавсралт №1-т тусгагдсан холбоо барих мэдээллүүдийн дагуу и-мэйл хаягаар болон утсаар урьдчилан мэдэгдэх үүрэг хүлээнэ. Урьдчилан мэдэгдээгүйн улмаас Телевизийн хөтөлбөр доголдох, техникийн саатал гарсан тохиолдолд Дамжуулагчтай хамтран хэрэглэгчдэд албан ёсоор мэдэгдэл хийх;

- 3.2.18. Тоног төхөөрөмжтэй холбоотой өөрчлөлт, засвар үйлчилгээ хийх, дуу дүрсний чанар стандартад өөрчлөлт хийх түр зогсолт, шинэчлэл хийгдэх, байршил солих гэх мэт аливаа асуудал гарах тохиолдолд 30 хоногийн өмнө Дамжуулагчид бичгээр мэдэгдэх;
- 3.2.19. Телевиз нь өөрийн буруутай үйл ажиллагааны улмаас /хүний санаатай болон санамсаргүй буруутай үйлдлүүд, технологийн горим, стандартыг зөрчсөн буруутай үйл ажиллагаа гэх мэт/ Дамжуулагчид хохирол учруулбал хохирлыг бүрэн барагдуулах;
- 3.2.20. Гэрээнээс үүссэн аливаа маргаан үл ойлголцлын талаар гэрээний бус арга хэмжээ авч өөрийн давуу байдлаа ашиглан нэвтрүүлэг, мэдээ, шторк бэлтгэн ТВ-ээр цацах, Сошиал фэйсбүүк, Твиттер гэх зэрэг олон нийтийн сүлжээгээр Дамжуулагчийн ажил хэрэг, бизнесийн нэр хүндэд халдсан үйлдэл хийхгүй байх, илт худал мэдээллийг олон нийтэд тараахгүй байх;
- 3.2.21. Телевизийн ерөнхий захирал, гүйцэтгэх захирал, удирдлагын болон хуулийн этгээд өөрчлөн байгуулах замаар Гүйцэтгэх удирдлагад өөрчлөлт орсон тухай бүрт, албан бичгээр Дамжуулагчид мэдэгдэх ба мэдэгдсэнээр аливаа төлбөр төлөх үүргээс чөлөөлөгдөхгүй;
- 3.2.22. Телевизийн хаягийн байршил, и-мэйл хаяг, утасны дугаар өөрчлөлт орох бүрт бичгээр мэдэгдэх;
- 3.2.23. Телевизийн хөтөлбөрийг хэсэгчлэн болон бүрэн зогсоохгүй байх, зогсоосны улмаас Дамжуулагчид учирсан хохирлыг бүрэн хариуцах;
- 3.2.24. Телевизийн хөтөлбөр бэлтгэх, хүргэх үйл ажиллагаанд оюуны өмчийн хууль тогтоомжийг дээдлэх, оюуны өмчийн зөрчилтэй бүтээлийг дамжуулахгүй байх;
- 3.2.25. Хуульд заасан бусад үүргийг хүлээнэ.

## **ДӨРӨВ. ДАМЖУУЛАГЧИЙН ЭРХ, ҮҮРЭГ**

- 4.1. Дамжуулагч нь дараах эрхийг эдэлнэ:
  - 4.1.1. Телевизийн эфирийг өөрсдийн тоног төхөөрөмжийг ашиглан IPTV, OTT сүлжээгээр дуу дүрсний алдагдалгүй чанарын өндөр түвшинд дамжуулах, эфирийг дахин дамжуулах
  - 4.1.2. Телевиз талын үзүүлж буй үйлчилгээ болон хийгдэж буй ажлууд нь чанарын шаардлага хангахгүй гэж үзвэл санал гаргах, шаардлага тавих;
  - 4.1.3. Дамжуулагч талын үйл ажиллагаагаа хэвийн явуулахад шаардагдах Телевизийн гаргаж өгсөн бичиг баримт, мэдээлэл болон тоног төхөөрөмж нь шаардлага хангахгүй тохиолдолд түүнийг сольж өгөх болон нэмэлт бичиг баримт гаргаж өгөхийг шаардах;
  - 4.1.4. Гэрээний үүргээ биелүүлэхийг Телевизээс шаардах, гэрээний үүргийг биелүүлээгүй буюу зохих ёсоор биелүүлээгүй тохиолдолд гэрээг дангаар цуцлах;
  - 4.1.5. Байгалийн гамшиг, олон нийтийг хамарсан эмх замбараагүй байдал, халдварт өвчин гарах, онц ноцтой гал түймэр дэгдэх, дайны болон онц байдал зарлахзэрэг гэнэтийн болон давагдашгүй хүчин зүйл тохиолдсны улмаас эрх бүхий байгууллагаас үүрэг болгосны дагуу Телевизийн ямар ч нэвтрүүлгийн дундуур цаг үеийн байдлын талаар олон нийтэд мэдээлэл хүргэх;
  - 4.1.6. Шаардлагатай тохиолдолд харилцан холболтын зааглах цэгийг /Хавсралт 2-д заасан/ Телевизэд 30 хоногийн өмнө мэдэгдсэнээр түүний байршлыг солих;
  - 4.1.7. Дамжуулагч талын албан ёсны эрхтэй аливаа контентыг зохих зөвшөөрөлгүйгээр өөрийн сувгаар гаргахгүй байхыг Телевизээс шаардах;
  - 4.1.8. Телевизийн буруутай үйл ажиллагааны улмаас Дамжуулагчид хохирол учирсан тохиолдолд хохирлыг нөхөн төлүүлэхээр шаардах, нэхэмжлэх;
  - 4.1.9. Дамжуулагч нь энэ гэрээний 1.4-т заасан Телевизийн сувгийн дугаарлалтыг дараах үндэслэлээр өөрчлөх эрхтэй:
    - 4.1.9.1. Телевиз нь гэрээгээр хүлээсэн үүргээ удаа дараа биелүүлээгүй эсхүл гэрээний үүргээ ноцтой зөрчсөн;

- 4.1.9.2. Телевиз нь энэ гэрээний 3.2.20-т заасан үүргээ зөрчсөн;
- 4.1.9.3. Телевиз нь тусгай зөвшөөрөл, хөтөлбөрт тавигдах нөхцөл, шаардлагыг хангахгүй байгаа нь эрх бүхий байгууллагын хяналт шалгалтаар тогтоогдсон;
- 4.1.9.4. Эрх бүхий байгууллагаас өргөн нэвтрүүлгийн тусгай зөвшөөрлийг хүчингүй болгосон;
- 4.1.9.5. Телевиз нь оюуны өмчийн зөрчилтэй бүтээл, контентыг дамжуулсан нь эрх бүхий байгууллагын шийдвэрээр тогтоогдсон;
- 4.1.9.6. Телевиз нь олон суваг дамжуулах тусгай зөвшөөрөлгүй этгээдийн сүлжээнд холбогдсон;
- 4.1.9.7. Компанийг татан буулгах тухай Хувьцаа эзэмшигчдийн шийдвэр, эсвэл шүүхийн шийдвэр гарсан;
- 4.1.9.8. Талууд харилцан тохиролцсон;
- 4.1.9.9. Хуульд заасан бусад үндэслэл.
- 4.1.10. ОСДҮЭ-н сүлжээгээр дахин дамжиж байгаа телевизийн бусад суваг нэмэгдэж, хасагдах, үйлчилгээний багцад шинэчлэлт өөрчлөлт оруулж буй тохиолдолд телевизийн үйлчилгээ эрхлэгч нарт урьдчилан мэдэгдэж, сувгийн дугаарлалтыг өөрчлөх.
- 4.1.11. Телевиз нь дамжуулалтын сарын хураамжыг хугацаанд нь төлөөгүй 90 ба түүнээс дээш хоног өнгөрсөн тохиолдолд өр авлага барагдуулах зорилгоор Зээлийн мэдээллийн тухай хууль болон Төв банк /Монголбанк/-тай байгуулсан гэрээний дагуу зээлийн мэдээллийн санд зээлийн ангиллыг бүртгүүлэх, мөн түүнчлэн хууль тогтоомжид заасны дагуу бусад арга хэмжээг авах;
- 4.1.12. Дамжуулагчаас хамааралгүй техникийн гэмтэл, саатал гарсны улмаас тухайн суваг гарахгүй болсон тохиолдолд Телевизэд мэдэгдэж, даруй засахыг шаардах;
- 4.1.13. Сувгаар дамжуулах хөтөлбөр, нэвтрүүлэг нь дуу, дүрс, техникийн чанар, стандартын шаардлага хангасан байхыг Телевизээс шаардах;
- 4.1.14. Дамжуулагч нь гарч болзошгүй гэмтэл, саатлыг урьдчилан мэдсэн тохиолдолд телевизид шаардлага тавьж засуулах арга хэмжээ авах;
- 4.1.15. Дамжуулагч нь нэвтрүүлгийн дуу дүрсний чанарын нэгдсэн үнэлгээг тогтмол хийх бөгөөд техникийн норм болон стандартад нийцэхгүй байгаа тохиолдолд шаардлагатай арга хэмжээ авахыг Телевизээс шаардана.
- 4.1.16. Хуульд заасан бусад эрх;

#### 4.2. Дамжуулагч тал нь дараах үүргийг хүлээнэ:

- 4.2.1. Телевизийн сувгийг хэрэглэгчид гэрээний үндсэн дээр дамжуулан хүргэх;
- 4.2.2. Өөрийн байранд байрлах тоног төхөөрөмжийн ашиглалт үйлчилгээг хариуцах бөгөөд найдвартай, аваар осолгүй, ашиглалтын технологийн горимын тасралтгүй ажиллагаа, цахилгаан, зай тэжээлийн эх үүсвэрээр ханган ажиллах, хэрэглэгчдэд очиж байгаа сигналын түвшин, чанарт анхаарал тавина. Телевизийн буруугаас тоног төхөөрөмжид учирсан гэмтэл, эвдрэл, сааталд энэ заалт хамаарахгүй;
- 4.2.3. Скаймедиа нь өөрийн буруутай үйл ажиллагааны улмаас /хүний санаатай болон санамсаргүй буруутай үйлдлүүд, технологийн горим, стандартыг зөрчсөн буруутай үйл ажиллагаа гэх мэт/ Телевизэд хохирол учруулбал хохирлыг барагдуулах;
- 4.2.4. Техник технологийн өөрчлөлт, шинэчлэл хийх /ТВ-ийг дамжуулж байгаа төхөөрөмжийг шинэчлэх, засвар үйлчилгээ хийх, дуу дүрсний чанар стандартад өөрчлөлт хийх/ тохиолдолд Телевизэд урьдчилан мэдэгдэж үйл ажиллагаагаа хамтран зохицуулах;
- 4.2.5. Шилэн кабель ашиглан телевизийн олон сувгийн нэвтрүүлэг дамжуулах үйлчилгээг гэрээний хугацаанд чанартай, тогтвортой явуулж, телевизийг өөрийн үйлчилгээний багцад оруулан орон даяар дамжуулах;



- 4.2.6. Телевизийн эфирээр цацагдаж буй мэдээ мэдээлэл болон бусад хуулиас гадуурх контентын өмнө үүрэг хүлээхгүй.
- 4.2.7. Хэрэглэгчдэд очиж байгаа сигналыг стандарт түвшинд байлгаж чанарт анхаарал хандуулах;
- 4.2.8. Дамжуулагч тал нь тоног төхөөрөмждөө үзлэг, үйлчилгээг хийх зорилгоор техникийн бүрэн зогсолтыг хагас жил тутамд шөнийн цагаар тогтмол хийж байх бөгөөд энэ хугацаанд телевизийн хөтөлбөрийг дамжуулахгүй.

### **ТАВ. ОЮУНЫ ӨМЧИЙН ХАРИЛЦАА**

- 5.1. Телевизийн албан ёсны логог Дамжуулагч нь түүний хэлбэр дүрст ямар нэг байдлаар өөрчлөлт оруулалгүйгээр дамжуулна. Лого бараан өнгөтэй бол телевиз тал цагаан логотой хувилбарыг хамт өгнө.
- 5.2. Телевиз тал нь өөрийн албан ёсны логог стандарт хэмжээ буюу 720x540 PNG хэлбэрээр Дамжуулагчийн [Epg@skytel.mn](mailto:Epg@skytel.mn) хаягаар цахим байдлаар өгнө.
- 5.3. Сувгийн албан ёсны логог Дамжуулагч нь өөрийн үндсэн үйлчилгээний танилцуулга сурталчилгаа, тараах материалд ашиглах бөгөөд телевизийн логоны хэлбэр дүрс, өнгө зэрэгт ямар нэг байдлаар өөрчлөлт оруулахгүйгээр ашиглана.
- 5.4. Телевиз нь зохиогчийн эрхээр хамгаалагдсан телевизийн нэвтрүүлэг, дуу, дүрс, кино зэргийг зохих зөвшөөрөлгүйгээр нэвтрүүлсэн болон үүнээс үүдэн гарах аливаа хариуцлагыг зөвхөн Телевиз бүрэн хариуцна.

### **ЗУРГАА. ХАРИЛЦАН МЭДЭЭЛЭЛ СОЛИЛЦОХ**

- 6.1. Телевиз нь 7 хоног бүрийн Баасан гарагийн 15:00 цагаас өмнө Дамжуулагчийн [epg.skytel.mn](http://epg.skytel.mn) вэб хаягт нэвтрэх нэр, нууц үгээр хандаж телевизийн хөтөлбөрийг хуулна. Телевизийн хөтөлбөр болон контент тус бүрийн постер нь Хавсралт 4-д заасан 1, 2 дахь форматын дагуу, үг үсгийн алдаагүй, зөв хэмжээтэй байна.
- 6.2. Хөтөлбөрт өөрчлөлт оруулах тохиолдолд тухайн өөрчлөлт эхлэхээс 48 цагийн өмнө [epg.skytel.mn](http://epg.skytel.mn) вэб хаягт хөтөлбөрийг хуулж, оруулсны дараа [epg@skytel.mn](mailto:epg@skytel.mn) и-мэйл хаяг руу өөрчлөлтийн талаарх тодорхой мэдээллийг илгээж, мэдэгдэнэ.
- 6.3. Дамжуулагчид мэдэгдэлгүй хөтөлбөрт оруулсан өөрчлөлт, хөтөлбөрийг зөрүүлснээс үүссэн аливаа гомдол, маргаантай асуудлыг Дамжуулагч хариуцахгүй.
- 6.4. Энэхүү гэрээний хүрээнд талууд харилцан мэдээлэл солилцоход дараах зарчим, дарааллыг баримтална. Үүнд:
  - 6.4.1. Нэг тал нөгөөдөө бичгээр гаргасан хүсэлтэд нөгөө тал ажлын 5 хоногийн дотор бичгээр хариу өгнө.
  - 6.4.2. Мэдээлэл солилцох холбогдох чиглэл бүрийн ажилтны мэдээллийг Хавсралт 3-д заана.
  - 6.4.3. Аль нэг талын нууц гэж үзсэн мэдээллийн нууцыг нөгөө тал хадгалах үүрэгтэй ба мэдээллийг өрсөлдөөний эсрэг ашиглахгүй.

### **ДОЛОО. ГЭРЭЭГ ЦУЦЛАХ**

- 7.1. Доор дурдсан үндэслэлээр талууд гэрээг хугацаанаас нь өмнө цуцалж болно. Үүнд:
  - 7.1.1. Талууд гэрээг цуцлахаар санал нэгтэй шийдвэрлэсэн;
  - 7.1.2. Аль нэг тал нь гэрээгээр хүлээсэн үүргээ ноцтой зөрчсөн бол нөгөө талын санаачилгаар;
  - 7.1.3. Эрх бүхий байгууллагаас өргөн нэвтрүүлгийн тусгай зөвшөөрлийг хүчингүй болгосон;
  - 7.1.4. Телевиз нь олон суваг дамжуулах тусгай зөвшөөрөлгүй этгээдийн сүлжээнд холбогдсон зөрчлөө Дамжуулагчийн шаардсан хугацаанд арилгаагүй;

- 7.1.5. Компанийг татан буулгах тухай Хувьцаа эзэмшигчдийн шийдвэр, эсвэл шүүхийн шийдвэр гарсан;
- 7.1.6. Хуульд заасан бусад үндэслэлээр;
- 7.2. Талуудын аль нэг нь гэрээгээр хүлээсэн үүргээ зохих ёсоор биелүүлээгүй эсвэл удаа дараа биелүүлээгүй тохиолдолд нөгөө талдаа гэрээний үүргээ биелүүлэхийг шаардсан албан бичиг хүргүүлэх бөгөөд хүргүүлснээс хойш ажлын 10 хоногийн дотор гэрээний үүрэг биелэгдээгүй тохиолдолд нөгөө талдаа гэрээг цуцлах тухай санал гаргаж болох ба уг саналыг бичгээр гаргана.
- 7.3. Тус гэрээний 7.1-д заасан үндэслэлээр гэрээг хугацаанаасаа өмнө цуцлахдаа нөгөө талдаа ажлын 30 хоногийн өмнө бичгээр мэдэгдсэн байна. Ийнхүү цуцалснаар талууд гэрээ цуцлах хүртэлх хугацааны гэрээт төлбөрийг болон бусад аливаа зардлыг төлөх үүргээс чөлөөлөгдөхгүй.
- 7.4. Энэхүү гэрээний хугацаа дуусгавар болох, мөн гэрээ цуцлагдсанаар талуудад олгогдсон эрх, үүрэг мөн дуусгавар болно. Харин гэрээ зөрчсөний улаас учруулсан гэм хор арилгах, төлбөр төлөх, нууцыг хадгалах үүрэг талуудад хадгалагдана.

### **НАЙМ. ТАЛУУДЫН ХАРИУЦЛАГА**

- 8.1. Аль нэг тал нь гэрээгээр хүлээсэн үүргээ биелүүлээгүйн улмаас нөгөө талдаа хохирол учруулсан тохиолдолд юуны өмнө хохирсон тал өөрийн хохирлын хэмжээг нотлох үүрэгтэй бөгөөд учруулсан хохирлоо буруутай тал нь нөхөн төлөх үүрэгтэй.
- 8.2. Учирсан хохирол гэдэгт талууд гэрээний үүргээ биелүүлээгүй эсвэл зохих ёсоор биелүүлээгүйн улмаас гуравдагч этгээдээс гаргасан гомдлын шаардлагыг хангахтай холбогдсон зардал, төлбөр, торгууль болон өөрт учирсан шууд болон шууд бус хохирлыг ойлгоно.
- 8.3. Үүргээ биелүүлээгүйгээс учирсан хохирлыг буруутай тал нь нөгөө талдаа хохирлыг нэхэмжилснээс хойш ажлын 14 хоногийн дотор нөхөн төлөх үүрэгтэй.
- 8.4. Нэвтрүүлгийн дуу дүрсний дохио удаа дараа техникийн стандарт шаардлагыг хангаагүй тохиолдолд уг нэвтрүүлгийг нэвтрүүлэхгүй байх хүртэл арга хэмжээг Скаймедиа авна.
- 8.5. Гэнэтийн болон давагдашгүй хүчин зүйл /гал, ус, үер, газар хөдлөлт, байгалийн гамшигт үзэгдэл, ажил хаялт, локаут, үймээн, бослого, цар тахал, халдварт өвчин, нийтийг хамарсан үймээн, гуравдагч этгээдээс шалтгаалсан эвдрэл, гэмтэл гэх мэт/ буюу талуудаас үл хамаарах аливаа гэнэтийн нөхцөл байдал үүссэний улмаас гэрээгээр хүлээсэн үүргээ биелүүлэх боломжгүй болсон тохиолдолд талууд нөгөө талдаа бичгээр 3 хоногийн дотор мэдэгдэнэ.
- 8.6. Гэрээний 8.5-д заасан нөхцөл байдлын улмаас гэрээний үүргийг гүйцэтгэх хугацаа 30 (гуч) хоногоор хойшлогдох эсхүл хойшлогдсон тохиолдолд гэрээг цуцалж болно. Энэ тохиолдолд тухайн нөхцөл байдлын улмаас учирсан хохирол төлүүлэх, үүргийн гүйцэтгэлийг хангуулахаар шаардахгүй.
- 8.7. Талууд энэхүү гэрээний 8.5-р зүйлд зааснаас бусад тохиолдолд гэрээгээр хүлээсэн үүргээ биелүүлэхгүй байх нь хариуцлагаас чөлөөлөгдөх үндэслэлгүй болно.
- 8.8. Телевиз нь гэрээний үүргийг биелүүлээгүй буюу зохих ёсоор биелүүлээгүй тохиолдолд Дамжуулагчид анхны холболтын хураамжийн 30(гуч) хувьтай тэнцэх хэмжээний торгуулийг үл маргах журмаар төлнө.

### **ЕС. ТЕХНИКИЙН НӨХЦӨЛ**

- 9.1. Энэ хэсэгт Талуудын сүлжээ хоорондын харилцан холболт хийх техникийн нөхцөл, сүлжээ төлөвлөлт, зааглах цэг, дугаарлалт, ачаалал зэргийг тусгана.
- 9.2. **Харилцан холболт хийх техникийн үзүүлэлт**
- 9.2.1. Талуудын холболтын болон дамжуулах байгууламжийн төрөл марк, интерфейсүүд, харилцан холбогдоход шаардагдах бусад техник төхөөрөмж, багтаамж, тоо ширхэг зэрэг нь Хавсралт 1-ын дагуу байна. Хавсралт 1-д орсон өөрчлөлтүүдийг тухай бүр тусгаж байна.
- 9.3. **Зааглах цэг**

- 9.3.1. Сүлжээний зааглах цэгүүдийн байршил Хавсралт 2-т заасны дагуу байна.
- 9.3.2. Зааглах цэг дэх техник, төхөөрөмжийн ашиглалт, үйлчилгээг тухайн зааглах цэг байрлаж байгаа тал хариуцна.
- 9.3.3. Сүлжээ хоорондын харилцан холболтын зураглал, ачаалал дамжуулах замууд нь Хавсралт 2-т заасны дагуу байна.
- 9.3.4. Талууд зааглах цэгээс 2 тийш шугамыг таслан шалгалт, хэмжилт хийх техникийн боломж, нөхцлийг хангасан байна.

### **АРАВ. ГЭРЭЭНИЙ НУУЦЛАЛ**

- 10.1. Талууд гэрээ байгуулсантай холбоотой болон гэрээг хэрэгжүүлэх явцад шууд болон шууд бусаар олж мэдсэн байгууллага, хувь хүний нууцад хамаарах (техник, санхүү, үйлчилгээний хөлс, түүний хэмжээ, бизнесийн нууц гэх мэт) аливаа мэдээ, мэдээллийг бусдад бичгэн болон аман хэлбэрээр задруулахгүй байх үүргийг хугацаагүй хүлээнэ.
- 10.2. Талууд нөгөө талаас өгсөн мэдээллийн нууцлалыг чанд хадгалах үүрэгтэй бөгөөд нөгөө талын зөвшөөрлийг бичгээр урьдчилан авалгүйгээр олон нийтэд мэдэгдэл хийхгүй ба бусдад задруулахгүй байх үүрэг хүлээнэ. Нууц хадгалах үүрэг нь дараах тохиолдолд хамаарахгүй:
  - 10.2.1. Аль нэг тал нь өөрийн нууцад хамаарах мэдээллийг ил болгохыг бичгээр зөвшөөрсөн;
  - 10.2.2. Нууц мэдээллийг ил болгохыг хуульд заасны дагуу эрх бүхий байгууллага шаардсан;
  - 10.2.3. Нууц мэдээллийг ил болгож байгаа Тал уг мэдээллийг нууц хадгалах мэргэжлийн үүрэг бүхий хууль зүй, татварын зөвлөгөө өгөх, аудитын мэргэжлийн этгээдэд ил болгож байгаа ба тийнхүү ил болгох нь уг Талын хууль ёсны ашиг сонирхлыг хамгаалахад шаардлагатай байгаа.

### **АРВАН НЭГ. БУСАД ЗҮЙЛ**

- 11.1. ЭРХ ШИЛЖҮҮЛЭХ Талууд энэхүү гэрээгээр хүлээсэн эрх, үүргээ аль нэг талынхаа албан ёсны зөвшөөрөлгүйгээр гуравдагч этгээдэд хэсэгчлэн буюу бүрэн хэмжээгээр шилжүүлэх эрхгүй.
- 11.2. МАРГААН ШИЙДВЭРЛЭХ Энэхүү гэрээтэй холбогдон гарч болзошгүй бүх санал зөрөлдөөн, маргааныг Талууд харилцан зөвшилцөх замаар шийдвэрлэнэ. Харилцан зөвшилцөлд хүрээгүй бол маргааныг Монгол улсын шүүхээр шийдвэрлүүлнэ.
- 11.3. Талууд харилцан тохиролцсоны үндсэн дээр гэрээнд зөвхөн бичгээр нэмэлт өөрчлөлт оруулж болох ба талууд гарын үсэг зурж тамга тэмдгээр баталгаажуулснаар хүчин төгөлдөр үйлчилж эхэлнэ.
- 11.4. Нэмэлт, өөрчлөлт, нэхэмжлэл, ажил хүлээлцсэн акт зэрэг нь тус гэрээний хавсралт болох бөгөөд эдгээр нь гэрээний салшгүй хэсэг болно.
- 11.5. Талууд өөрсдийн албан ёсны хаяг болон харилцах банкны дансны өөрчлөлт, гэрээнд холбогдох үйл ажиллагааны чиглэл, зохион байгуулалтад гарсан аливаа өөрчлөлтийн тухай мэдээллүүдийг тухай бүр албан бичгээр мэдэгдэж байна.
- 11.6. Энэ гэрээнд заасан хугацааг хуанлийн хоногоор бодох бөгөөд талуудын төлөөлөн удирдах зөвлөл, гүйцэтгэх захирал, үүсгэн байгуулагчид, өмчлөгчид, хуулийн этгээдийн статус өөрчлөгдсөнөөс үл хамааран энэхүү гэрээ нь үйлчлэх хугацааны туршдаа хүчин төгөлдөр байна.
- 11.7. Гэрээг Монгол хэл дээр тус бүр нэгэн адил эрх зүйн хүчин чадалтай байх 2 /хоёр/ хувь үйлдсэн бөгөөд талууд тус бүр 1 /нэг/ хувийг хадгална.

### **ГЭРЭЭ БАЙГУУЛСАН:**

**“СКАЙМЕДИА КОРПОРАЦИ” ХХК-ийг  
төлөөлж:**

Дижитал Бүтээгдэхүүн Контент хөгжүүлэлтийн  
албаны захирал

..... /Ц.Ариунзаяа/

Утас: 9090-0900

И-мэйл: ariunzaya.ts@skytel.mn

Дижитал Бүтээгдэхүүн Контент хөгжүүлэлтийн  
хэлтсийн менежер

..... /Э.Энхмаа/

Утас: 9090-9070

И-мэйл: enkhmaa@skytel.mn

Дижитал Бүтээгдэхүүн Контент хөгжүүлэлтийн  
хэлтсийн мэргэжилтэн

..... /Б.Баяржавхлан/

Утас: 9111-1464

И-мэйл: bayarjavkhlan.b@skytel.mn

**“.....” ХХК –ийн**

**..... телевизийг төлөөлж:**

.....

..... /...../

Утас: .....

И-мэйл:

.....

..... /...../

Утас: .....

И-мэйл:.....

### ТЕЛЕВИЗИЙН ЭФИРИЙН ДАМЖУУЛАХ ХАРИЛЦАН ХОЛБОЛТ ХИЙХ ТЕХНИКИЙН ҮЗҮҮЛЭЛТҮҮД

	<b>Кабелийн телевиз</b>	<b>Скаймедиа Корпораци</b>
Холболтын байгууламжийн төрөл, марк	Playout server	ENCODER
Дамжуулах /нягтруулах төх/ байгууламжийн төрөл, марк	3G/HD/SD-SDI fiber optic TRANSMITTER	3G/HD/SD-SDI fiber optic RECEIVER
Холбох шугамын төрөл, марк, тоо	1 core fiber optic cable	1 core fiber optic cable
Интерфейсийн төрөл	3G-SDI/HD-SDI/SD-SDI	3G-SDI/HD-SDI/SD-SDI

Телевизийн студиэс өгөх дохио нь дараах стандарт, үзүүлэлтийг хангана.

<b>ИНТЕРФЕЙС</b>	
Дүрсийн оролт (PAL)	[SD форматаар дамжуулах бол SMPTE 259M-C (SD-SDI), ITU-R BT601 стандартыг хангасан байх.]
	[HD форматаар дамжуулах бол SMPTE 292M (HD-SDI), ITU-R BT709 стандартыг хангасан байх.]
Дууны оролт	[Embedded audio (Дүрсний сигналд нь суулгасан аудио сигнал)]
<b>ДҮРСИЙН ҮЗҮҮЛЭЛТ</b>	
Дэлгэцийн харьцаа	[4:3, 16:9]
SD нягтрал /пикселийн тоо/	[SD-SDI 576@50i шахалтын стандарт нь MPEG2/AVC (H.264) гэх мэт ]
HD нягтрал /пикселийн тоо/	[HD-SDI, 1080@50i, шахалтын стандарт нь MPEG2/AVC (H.264) гэх мэт]
<b>ДУУНЫ ҮЗҮҮЛЭЛТ</b>	
Дууны түвшин	[Монгол Улсын “Тоон телевизийн студи. 2-р хэсэг: Тоног төхөөрөмжид тавих ерөнхий шаардлага” MNS 5592-2:2016 стандартад заасны дагуу дууны гаралтын түвшин -18dBFS, EBU R128, эгшин зуурын утга нь ±1 байна.]
Дууны кодлол	[Стерео, MPEG layer 1, 2, 3 , AAC, AES гэх мэт ]

### Тоног төхөөрөмжийн мэдээлэл:

[Телевизийн студийн гаралтын дамжуулах төхөөрөмжөөс ОСДҮЭ дээр байрлах хүлээн авах төхөөрөмж хүртэлх болон холболтод ашиглагдах төхөөрөмжүүдийн мэдээллийг оруулна. Зааглах цэгээр тусгаарлан төхөөрөмжийг хамаарах талуудын дор бичнэ.]


Холболтын техник, төхөөрөмжийн нэр, зориулалт	Телевиз талд	Дамжуулагч талд (ОСДҮЭ )
Хөрвүүлэх төхөөрөмж (Encoder) түүний төрөл, марк, сериал дугаар		SDI to IP Encoder
Дамжуулах (Tx) / Хүлээн авах (Rx) төхөөрөмж түүний төрөл марк, сериал дугаар	Tx	Rx Fiber optic convertor (Receiver, Fiber optic to SDI)
Холбох шугамын төрөл, үзүүлэлт: 1 core fiber optic гэх мэт.		1 core
Холболтын интерфэйс: HD-SDI, SD-SDI 75 Ом BNC, GbE-MPEGoIP гэх мэт өөрсдийн технологиос хамааруулан сонгож бичнэ.		3G-SDI, SD-SDI, HD-SDI 75 Ом BNC
Бусад....		

### ЗААГЛАХ ЦЭГИЙН БАЙРШИЛ, ЗУРАГЛАЛ


	Хаяг
Зааглах цэгийн байршил	1. .... 2. Скайтел плаза өргөтгөл 2-р давхар
Тоног төхөөрөмж	- ODF - Receiver - Encoder

### ХОЛБОЛТЫН ЗУРАГ

А. Телевиз Скаймедиагийн сүлжээний шилэн кабелийг ашиглан эфирээ дамжуулах тохиолдолд зааглах цэг дээрх зургийн дагуу байрлана.



Б. Кабелийн телевиз нь сүлжээний шилэн кабелийг өөрсдөө холбох тохиолдолд зааглах цэг Зураг.Б зураглалын дагуу байна.



### ХАРИЛЦАН МЭДЭЭЛЭЛ СОЛИЛЦОХ АЛБАН ТУШААЛТАН

#### Дамжуулагч тал

№	Чиглэл	Нэр	Албан тушаал	Утас	И-мэйл
1	Техникийн гэмтэл сааталтай холбогдолтой асуудал гарсан үед:	Сүлжээ хяналтын нэгдсэн төв		7676-0000	Noc@skytel.mn
2	Техникийн ашиглалттай холбогдолтой асуудал гарсан үед:	Ш.Цэнд	СУХ менежер	9110-0558	Tsend@skytel.mn
3	ТВ-ийн хөтөлбөртэй холбоотой өөрчлөлт гарсан үед:	У.Уянга	КБХэлтсийн менежер	9110-1082	Uyanga.u@skytel.mn
4	Санхүүгийн холбогдолтой асуудал гарсан үед:	А.Төмөрбямба	Нягтлан бодогч	9110-1714	Tumurbyamba@skytel.mn
5	Маркетингийн холбогдолтой асуудал гарсан үед:	Г.Гэрэлчимэг	ДБКХХэлтэсийн мэргэжилтэн	9000-5599	Gerelchimeg.g@skytel.mn

#### Телевизийн тал

№	Чиглэл	Нэр	Албан тушаал	Утас	И-мэйл
1	Техникийн холбогдолтой асуудал гарсан үед:				
2	ТВ-ийн хөтөлбөртэй холбоотой өөрчлөлт гарсан үед:				
3	Санхүүгийн холбогдолтой асуудал гарсан үед:				
4	Маркетингийн холбогдолтой асуудал гарсан үед:				





1. Скаймедиа / IPTV системд оруулах хөтөлбөрийг хүлээж авах формат /10 багана мэдээлэл/

Title/ Нэвтрүүлгийн нэр	Short summary/ мэдээлэл	Air_date/ Сар/өдөр/он	Air_time/ Эхлэх цаг	Rating/ Насны ангилал	Genre/ Төрөл	Show type/ Ангилал	Episode Name/ Цувралын нэр	Episode Number/ Анги /тоогоор/	Season number/ Улирал /тоогоор/
Жш: Оргил цаг		11/11/2019	6:00:00	PG 13	Magazine	News			
Өнөө өглөө		11/11/2019	7:00:00	G	Magazine	Entertainment			
Бяцхан оцон шувуу Пороро		11/11/2019	10:00:00	G	Animated	Movies		21	4
Миний цорын ганц		11/11/2019	10:30:00	PG 13	Soap - Melodrama	Series		51	
Хөтөч		11/11/2019	12:00:00	PG 13	Report	News			
The Voice of Mongolia	1-р хэсэг	11/11/2019	12:30:00	G	Magazine	Entertainment			
Өнөө өглөө		11/11/2019	14:00:00	G	G	Magazine	Entertainment		

\*Тус бүрийн жишээ файлыг мэйлээр илгээнэ.

2. Контент тус бүрийн poster, background хүлээн авах формат

Хэмжээ		Формат	
Хөндлөн	1920*1080	JPG	
Босоо	480*720	JPG	

### ТӨЛБӨРИЙН МЭДЭЭЛЭЛ

Телевизийн суваг дамжуулах сарын хураамж нь дараах нөхцлийн дагуу байна.

Зааглах цэгийн байршил	Сарын хураамж
Зураг.А	....₮
Зураг.Б	....₮

### Телевизийн суваг дамжуулах сарын хураамжийн задаргаа

Зааглах цэгийн байршлаас хамаарч дараах төлбөрийн задаргаатай байна.

Зардлын нэр	Зааглах цэгийн байршил	
	Зураг.А	Зураг.Б
Шилэн кабель эсвэл урсгал түрээсийн төлбөр	....₮	....₮